

KONFERENCIJA O GEOGRAFSKIM NAZIVIMA

U organizaciji Geodetske uprave Slovenije, 18. i 19. aprila 2001. godine, održana je Međunarodna konferencija o geografskim nazivima. Konferencija je organizovana u saradnji sa vladinom Komisijom za standardizaciju geografskih naziva (KSZI) i radnom grupom UNGEGN (Ekspertna grupa UN-a za standardizaciju geografskih naziva).

Na Konferenciji su učestvovali stručnjaci iz 16 država i to: Austrije, Bosne i Hercegovine, Kipra, Češke, Finske, Hrvatske, Italije, Kanade, Litve, Mađarske, Njemačke, Poljske, Slovačke, Velike Britanije, Sjedinjenih Američkih Država i Slovenije.



Slovenija je organizovala ovu konferenciju kao predsjedavajući regionalne grupe UNGEGN između 7. i 8. konferencije OUN-a za standardizaciju geografskih naziva (period 1998 – 2002.).

Tema konferencije u Ljubljani su baze podataka o geografskim nazivima, a cilj da se sačini pregled načina digitalizacije geografskih naziva i određivanja osnovnih standarda u oblasti baza podataka o geografskim nazivima.

Pojedine države problematiku zapisivanja, odnosno evidentiranja geografskih naziva rješavaju na različite načine. Neke, za vođenje podataka o geografskim nazivima, su već uspostavile digitalnu bazu odnosno registar, dok za druge je još uvijek izvor podataka geografskih naziva samo štampana karta.

Na Konferenciji je obavljen dogovor o organizaciji 8. konferencije OUN-a za standardizaciju geografskih naziva koja će se održati od 27. augusta do 05. septembra 2002. godine u Berlinu.

Dana 19. aprila 2001. godine (drugog dana konferencije) odvojeno su održani:

- 16. zasjedanje regionalne grupe UNGEGN za istočnu, srednju i jugoistočnu Evropu i
- zasjedanje radne skupine UNGEGN za imenike geografskih naziva.

Faruk Selesković